

preostalih 60% vežu se za samostalne vijećnike koji su napustili parlamentarnu grupu.

Ukoliko parlamentarna grupa do kraja izbornog mandata Općinskog vijeća ponovo postane aktivna dodjelom mandata od strane Centralne izborne komisije, nastavlja se finansiranje te parlamentarne grupe od prvog narednog mjeseca od dodjele mandata.

Član 7.

Služba za privredu, finansije i investicije Općine Ilijaš, promjenu obračuna rasporeda sredstava definisanih članom 5. i 6. ove Odluke vrši na bazi izvještaja Sekretara Općinskog vijeća.

Član 8.

Finansiranje parlamentarnih grupa u izbornoj godini za Općinsko vijeće vrši se zaključno sa mjesecom u kome se održavaju izbori odnosno finansiranje parlamentarnih grupa po ostvarenim izbornim rezultatima od prvog narednog mjeseca od održavanja izbora.

Član 9.

Sredstva za finansiranje parlamentarnih grupa doznaju se na žiro račune političkih stranaka, koalicija i listi nezavisnih vijećnika koje su formirale parlamentarnu grupu dostavljenu od strane rukovodnih tijela općinskih organizacija tih političkih subjekata.

Sredstva za parlamentarne grupe koju su u Općinskom vijeću formirale koalicije mogu se raspodijeliti na koalicione partnere shodno njihovom pismenom sporazumu.

Sredstva za samostalne vijećnike uplaćuju se na tekuće račune na kojima je osim imena i prezimena naznačeno i samostalni vijećnik.

Član 10.

Doznačavanje sredstava parlamentarnim grupama i samostalnim vijećnicima vršit će se mjesečno u jednakim iznosima, korigovanih eventualnim promjenama definisanih u članu 5. i 6. ove Odluke.

Obračun i doznačavanje sredstava po ovoj Odluci vrši Služba za privredu, finansije i investicije.

Član 11.

Donošenjem ove Odluke prestaju da važe odredbe Odluke o finansiranju parlamentarnih grupa u Općinskom vijeću Ilijaš br. 01/1-02-199-5/12 od 31.1.2012. godine, objavljene u "Službenim novinama Kantona Sarajevo", broj 4/12".

Član 12.

Ova Odluka stupa na snagu danom objavljivanja u "Službenim novinama Kantona Sarajevo".

Broj 01/1-02-728-3/15 26. marta 2015. godine Ilijaš	Zamjenik predsjedavajućeg Općinskog vijeća Ilijaš Mahir Dević, s. r.
---	---

Na osnovu člana 55. Statuta Općine Ilijaš, Prečišćeni tekst ("Službene novine Kantona Sarajevo", broj 20/09) i člana 99. Poslovnika Općinskog vijeća Ilijaš ("Službene novine Kantona Sarajevo", broj 2/10), Općinsko vijeće Ilijaš, na svojoj redovnoj 29. sjednici održanoj 26. marta 2015. godine, donijelo je

ODLUKU

O DAVANJU SAGLASNOSTI NA PLAN RADA JAVNE USTANOVE "KULTURNO-SPORTSKI CENTAR I RADIO ILIJAŠ" ZA 2015. GODINU

Član 1.

Daje se saglasnost na PLAN RADA JAVNE USTANOVE "KULTURNO-SPORTSKI CENTAR I RADIO ILIJAŠ" ILIJAŠ za 2015. godinu, broj 08-II-03/2015 od 17.03.2015. godine, koji je sastavni dio ove Odluke.

Član 2.

Ova Odluka stupa na snagu danom objavljivanja u "Službenim novinama Kantona Sarajevo".

Broj 01/1-02-728-4/15 26. marta 2015. godine Ilijaš	Zamjenik predsjedavajućeg Općinskog vijeća Ilijaš Mahir Dević, s. r.
---	---

Na osnovu člana 56. Zakona o prostornom uređenju ("Službene novine Kantona Sarajevo"), br. 7/05), člana 23. Odluke o provođenju Prostornog plana Kantona Sarajevo za period 2003-2023 godine ("Službene novine Kantona Sarajevo", br. 26/06) i člana 23. i 55. Statuta Općine Ilijaš ("Službene novine Kantona Sarajevo", br. 20/09), Općinsko vijeće Ilijaš, na sjednici održanoj dana 26.03.2015. godine, donijelo je

ODLUKU

O UTVRĐIVANJU NOVOG GRAĐEVINSKOG ZEMLJIŠTA I PLANA PARCELACIJE ZA IZGRADNJU APARTMANSKOG NASELJA IVANČIĆI

Član 1.

Ovom Odlukom utvrđuje se novo građevinsko zemljište za izgradnju apartmanskog naselja u Ivančićima i Plan parcelacije zemljišta (Elaborat ažurna geodetska situacija-parcelizacija).

Član 2.

Lokacija apartmanskog naselja obuhvata parcele k.č. br. 170/2, 171/1 K.O. Ivančići na lokaciji Ivančića. Lokalitet je nepravilnog oblika, po dužoj strani orijentisan u smjeru jugoistok-sjeverozapad. Ukupna površina obuhvata iznosi 2,573 ha (25.730,00 m²). Apartmansko naselje Ivančići se sastoji od ukupno 48 građevinskih parcela površine 470-720 m² sa pratećim sadržajima i to:

PROSTOR NASELJA rezidencijalno-rekreativnog karaktera na kojima je planirana izgradnja 46 individualnih objekata riješenih u pet tipova savremenog dizajna eksterijera i enterijera, čije su površine 100-250 m², maksimalne spratnosti Sut+P+Pt,

ZONA DRUŠTVENIH SADRŽAJA koju čini parcela za uslužni objekat javne namjene (restoran, kafeterija, market, pekara, igraonica i sl.),

ZONA ODMORA I ZABAVE koju čini parcela za uređenje parkovske površine, staze, dječije igralište i mobilijar,

SAOBRAĆAJNICE širine profila kolske saobraćajnice P 4,0-5,0 m sa jednostranim trotoarima širine 1,0 m.

Član 3.

Sastavni dio ove Odluke je Grafički prilog Elaborat ažurna geodetska situacija - parcelizacija.

Član 4.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01/1-02-728-8/15 Zamjenik predsjedavajućeg
26. marta 2015. godine Općinskog vijeća
Ilijaš **Mahir Dević, s. r**

Na osnovu člana 56. Zakona o prostornom uređenju ("Službene novine Kantona Sarajevo" br. 7/05), člana 23. Odluke o provođenju Prostornog plana Kantona Sarajevo za period 2003-2023 godine ("Službene novine Kantona Sarajevo" br. 26/06) i člana 23. i 55. Statuta Općine Ilijaš ("Službene novine Kantona Sarajevo" broj 20/09), Općinsko vijeće Ilijaš, na sjednici održanoj dana 26.03.2015. godine, donijelo je

ODLUKU

**O IZMJENI ODLUKE O UTVRĐIVANJU NOVOG
GRADEVINSKOG ZEMLJIŠTA I PLANA
PARCELACIJE ZA IZGRADNJU APARTMANSKOG
NASELJA LJUBNIĆI**

Član 1.

Mijenjaju se članovi 2. i 3. Odluke o utvrđivanju novog građevinskog zemljišta i Plana parcelacije za izgradnju apartmanskog naselja u Ljubničima ("Službene novine Kantona Sarajevo", br. 44/13) i glase:

"Član 2."

Lokacija apartmanskog naselja obuhvata parcele na lokaciji Ljubnića koje graniče sa parcelama k.č. br. 777, 753, 752 K.O. Ljubnići sa zapadne strane, i protežu se prema istoku tako da dodiruju lokalni put sa zapadne, južne i istočne strane lokaliteta. Lokalitet je nepravilnog oblika, po dužoj strani orijentisan u smjeru sjever-jug dužine obuhvata cca 820 m¹, dok je po kraćoj strani orijentisan istok-zapad dužina obuhvata cca 200-400 m¹.

Ukupna površina obuhvata iznosi 12,48 ha (124.830,45 m²).

Apartmansko naselje Ljubnići se sastoji od:

PROSTOR NASELJA rezidencijalno-
rekreativnog karaktera P=69.466,00 m²
koje čine:

- 61 parcela površine 500-2500 m²,
- 61 individualni objekat riješena u tri tipa, stil tradicionalne bosanske kuće i modernijeg izražajnog stila, čije su površine 150-250 m², maksimalne spratnosti tri etaže,

ZONA SPORTA I REKREACIJE P=17.195,00 m²

koje čine otvoreni sportski tereni (mogućnost izgradnje dvorana)

ZONA ODMORA I ZABAVE P= 9.692,00 m²

koje čine parkovske površine, staze, dječije igralište i mobilijar, ugostiteljski objekat

ZONA DRUŠTVENIH SADRŽAJA P=7.200,00 m²

koji čini objekat tržnog centra sa pratećim sadržajima

SAOBRAĆAJNICE p= 21.277,45 m²

širine profila kolske saobraćajnice P 4,0-5,0 m sa

jednostranim trotoarima širine 1,0 m,

"Član 3".

Sastavni dio ove Odluke je Izmijenjeni Plan parcelacije naselja Ljubnići izrađen od strane IPSA INSTITUT doo Sarajevo.

Član 2.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01/1-02-728-9/15 Zamjenik predsjedavajućeg
26. marta 2015. godine Općinskog vijeća
Ilijaš **Mahir Dević, s. r**

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09), član 92. stav 1. Zakona o budžetima u Federaciji Bosne i Hercegovine ("Službene novine Federacije BiH", br. 102/13, 9/14 i 13/14), člana 30. Odluke o izvršavanju Budžeta Općine Ilijaš za 2014. godinu ("Službene novine Kantona Sarajevo", br. 2/14), člana 55. tačka 6. i član 104. stav 1. Statuta Općinskog vijeća - Prečišćeni tekst ("Službene novine Kantona Sarajevo", br. 20/09) te člana 99. Poslovnika o radu Općinskog vijeća Ilijaš ("Službene novine Kantona Sarajevo", br. 2/10), Općinsko vijeće na svojoj 29. sjednici održanoj 26.03.2015. godine, usvaja

IZVJEŠTAJ

**O IZVRŠENJU BUDŽETA OPĆINE ILIJAŠ ZA PERIOD
01.01.2014. - 31.12.2014. GODINE**

I

Budžet Općine Ilijaš za period 01.01.2014 - 31.12.2014. godine, je izvršen kako slijedi:

1. Ukupno ostvareni prihodi:	10.115.135,00 KM
- Porezni prihodi	3.357.435,00 KM
- Neporezni prihodi	2.242.539,00 KM
- Tekući grantovi	3.684.582,00 KM
- Prihodi od donacija	99.137,00 KM
- Kapitalni primici	731.407,00 KM
- Prihodi po osnovu zaostalih obaveza	35,00 KM
2. Ukupno izvršeni raspored izdataka	8.207.042,00 KM
3. Razlika između ostvarenih prihoda i izdataka - suficit	1.908.093,00 KM

II

Izveštaj o izvršenju Budžeta općine Ilijaš za period 01.01.2014. - 31.12.2014. godine, objavit će se u "Službenim novinama Kantona Sarajevo".

Broj 01/1-02-728-6/15 Zamjenik predsjedavajućeg
26. marta 2015. godine Općinskog vijeća Ilijaš
Ilijaš **Mahir Dević, s. r**